

督撫中州疏稿序



歲以辰今



上龍飛御宇督撫郭公以名節  
鉞晉司空吏若民蓋不勝述  
愆云夢鯨奔走宇下辱忘分



常留也爰請疏稿付諸梓夢  
鯨捧讀一過竊嘆我公之惠  
中州抑何深且遠也夫中丞  
奉

璽書開幕府爲一人揚德宣化

罔所虞格然兵若農各懷其  
歆以祈乎上羣部吏之貞淫  
象其指境以內利病興廢環  
集厥躬亦云艱哉况豫爲中  
央一大都會民脆而多倍情

兩省政繁而費廣兼以雨暘  
不時河遷決無常道民不能  
旦夕保且也荷戈之守率率  
赴榆關竊歎之崔符時憂鈴  
閣為督撫者處軍民夾雜之

地當公私交困之時於攫攘  
中求安輯於督責中存撫字  
於繁難中寬物力於災菁中  
議全活彈壓撫綏率方內諸  
長吏毘勉策勵以奉

國家斷之天行之功令此其難  
不更甚耶公風規道亮器識  
深沉維授鉞以來顏綱又振  
謀無遺諳諸申令釐剔者微  
朝廷德意勿以布周覽要害知  
滄陽為畿南咽喉舊業奉有  
移鎮備援之

旨頃部議欲裁兵而抽餉公抗  
疏止之訓練有加訖然有虎  
豹當關之勢居無何而盧氏

難佐矣遐邇通嚮應將燎於原  
公授畧兵使者嚴檄所部  
賞罰必誠守戢姦細開釋  
從許執渠魁以自贖不崇朝  
而嘯聚解曾不亾一矢鏃焉

讀止裁蕩平二疏武庫律殺  
殆有不可埃涯者已又以撫  
之爲官厚民生也溝中之春  
累々而任委積之朽蠹國僑  
氏云毋寧使人謂實生我而

後我以生乎於是有多方煮  
賑之疏三家之市已盡大工  
之後方殷公節畱俸貲數將  
義之樂輸者以數萬計於是  
有屢為按進之疏豐隆之告

災鬱攸之示警坤軸之浮動  
此其說在易游雷之震曰君  
子以恐懼修省於是乎有災  
異之疏他如請裁冗請旌義  
請豁額運軍不一而足為地

得入則司道郡邑之賢雖選  
秩必疏請以留其不肖則爲  
鷗之逐無少貸訪以介冑志  
蟣蝨之嘆襁褓消寒暑以嗜  
環全豫晏如也抑孰知自若

心區畫中來哉摠之白意赤  
裏識微洞遠故衣袂之戒常  
急人所緩而定傾之才反應  
劇若豫以此遊刃天下孰是  
爲公難者讀是編而已知其



補遺錄  
禧如矣昔裴晉公在政府日  
當大議每閉閣精思乃條聞  
上報可則下諸路鑄諸石或  
未垂永利焉至先化初北司  
欲更令王搏不可曰先臣度

有勘詳矣因之便劉季述竟  
不能奪繇此觀之後朱康傑  
有一言之出於口即有一言  
之用於世信乎有言在而德  
與功固嘗留也是今日請刻

疏稿意手遂不辭固陋而為

之序

崇禎歲在戊辰孟夏朔河南  
等處承宣布政使司左布政  
使張夢鯨頓首謹

撫梁疏稿總目

卷之一

入境交代疏

王恭廠火災恭慰疏

恭報盧氏盜賊蕩平疏

捐俸助工疏

皇子薨逝恭慰疏

地震疏

縣官給繇疏

吏承輸銀助工疏

災傷疏

糾劾不職有司疏

縣官患病休致疏

解進年例贓罰疏

回報並無派徵倭餉疏

鄉官輸粟援例表揚疏

議留道臣加銜久任疏

卷之二

所屬捐俸節省銀數疏

恭進節省銀兩疏

長史給繇疏

州縣官給繇疏

慶賀 皇極殿大工落成疏

保留府佐給繇疏

題留陞任道臣加銜久任疏

縣官給繇疏

免裁磁營兵餉疏

捐資佐餉疏

司道府州縣書吏輸銀助工疏

學道納附銀兩助工疏

公舉賢孝照例旌表疏

鄉宦卹典疏

解進年例贓罰疏

卷之三

催解免差等銀助工疏

賑過陳留杞縣饑民疏

方面官員給絲疏

方面官員患病疏

就近陞補管河道臣疏

續進助工銀兩疏

報解府州縣公費銀兩疏

報解撥括無礙銀兩疏

報解士夫捐助銀兩疏

叅罰屯糧不及分數官員疏

裁革內鄉縣丞疏

豁除潁川衛運軍疏

解進年例贓罰疏

縣官給繇疏

府佐給繇疏

回報兵餉疏

續解助工銀兩疏

卷之四

捐助陵工疏

進香疏

恭慰疏

免覲疏

慶賀登極疏

獎罰積穀完欠官員疏

大計糾劾不職方面官員疏

大計糾劾不職有司官員疏

縣官給繇疏

叅罰京邊錢糧完不及數官員疏

本院請告疏

甄別文職官員疏

甄別武職官員疏

本院再括贖貯銀兩助建陵工疏

司府州縣捐助陵工疏

本院請告疏

解進年例贓罰疏

恭報任內兵馬錢糧疏

司道捐輸節省銀兩助建陵工疏

撫梁疏稿卷之一目錄

入境交代疏

王恭厰火災恭慰疏

恭報盧氏盜賊蕩平疏

捐俸助工疏

皇子薨逝恭慰疏

地震疏

縣官給繇疏

吏承輸銀助工疏

災傷疏

糾劾不職有司疏

縣官患病休致疏

解進年例贓罰疏

回報竝無派徵倭餉疏

鄉官輸粟援例表揚疏

議留道臣加銜久任疏

撫梁疏稿卷之一

魏博郭增光著

入境交代疏

奏爲交代恭謝

天恩事臣原任太僕寺添註少卿於天啓五年八月

內奉兵部劄付前往南直隸催僱馬價事竣便

道過里忽於六年四月內准吏部咨爲缺官事

該本部等衙門會推具題奉

聖旨是郭

陞都察院右僉都御史巡撫河南等

處地方兼提督軍務爲勅與他欽此欽遵備咨到  
臣臣一聞之驚悚靡措謹望

闕叩頭謝

恩訖隨於五月初二日抵臣所屬彰德府臨漳縣地  
方准前任巡撫元 咨送原奉相傳

勅諭五道

符驗一道

令字旗牌八面副關防一顆并吏書文卷等項到臣  
卽接管行事外竊念臣本駑質屢叨

皇恩

委以耳目之任

擢之牧圉之列顧臣引分已覺難堪何期豫撫復  
蒙

簡在臣惟自捐頂踵何能報塞涓埃惟是中州係九  
區咽喉乃

國家腹心重地軍民繁輳

宗庶雜居自昔彈壓不易維今振飭尤艱輪蹄絡  
繹驛遞之索擾堪憐草澤聯盟邪教之萌蘖時



有河防時廩衝決

藩祿幾費調停况當徵調紛拏之時寧忍見餉匱  
兵單值災稔頻仍之後豈可致民窮盜起往事  
真可寒心今日尤當蒿目臣敢不殫竭心力振  
肅紀綱察屬吏之貪廉訪民間之疾苦務期兵  
食兩足軍民俱甦仰紓

聖明宵旰之慮俯輯河雒畊鑿之氓若道府州縣諸  
臣必有諒臣碌碌之素而交相砥礪者反是臣  
惟奉

璽書以三尺繩之一切勞怨臣不敢辭此臣所爲仰  
答

知遇而自矢於視事之初者也臣無任感戴  
天恩激切屏營之至

天啓六年五月初二日具奏奉

聖旨該部知道

王恭廠火災恭慰疏

奏爲驚聞異常火災恭候

聖躬萬安事項臣奉

命填撫河南於伍月初貳日到任視事已具疏報

聞恭謝訖忽接邸報初陸日王恭廠失火藥物俱焚

聲震地動民屋傾塌燒壓而死者不可勝計且

搏擊摧裂之聲從來所未經聞此災變之異常

者臣一見之不勝驚怖切思尋常失火尚恐驚

動

大內况聲若雷轟勢如山摧有不震驚  
宸居致塵

聖懷憂惕者乎臣匍繫外藩不能稽首  
闕廷隨恭設香案望

闕叩頭外竊念災變之生天之所以示仁愛也克謹  
天戒則雖有其象而無其應恭繹

明綸已慮及早魁爲災又值此震虢大變  
論令大小臣工痛加脩省之虔切何難轉災而爲祥  
伏祈

皇上少寬

聖慮慎保

聖躬上紓

九廟在天之靈下慰四海蒼赤之望除臣仰遵

明旨恪脩職業以共圖消弭外臣不勝戰兢惶息之  
至

天啓六年五月二十五日具奏奉

聖旨禮部知道

恭報盧氏盜賊蕩平疏

題爲地方歲荒盜起旋即解散擒獲元兇謹據實  
報

聞事臣奉

命巡撫河南於五月初二日入境至磁州閱視兵馬  
事竣赴省城初七日行至延津縣途次接守巡  
河南道按察使田生芝右叅政張夢鯨呈爲逆  
賊大變事天啓六年四月二十五日據盧氏縣  
申稱四月十七日卑職公出突聞盜賊蜂起途

中男婦號呼稱賊首李宗善等勾引靈寶土賊何三何進得數千餘人燒劫家財姦汙婦女鄉村百姓盡行流徙卑職回縣被害失主薛邦科等各具失單紛紛泣告當卽出榜安撫及示令有能擒獲賊首者賞銀五十兩一面曉諭賊從解散許其自新迺公然無忌徧發傳單內云四月十七日靈寶劉世虎領人二萬五千俱行盧氏東西亂廟河連場峪潘濠川黃彥河東西岡頭計斷河三角城沙窩川寨子河樊家山各村

發行如有一村不行傳單平直火燒二平二日聚齊二十三日平縣等語大肆猖獗日逼城郭卑縣整點鄉兵於十九日委縣丞劉結督百戶完璧卿等領兵三百名繇縣北取道草店攻觀音山之北典史胡遜督原任援遼守備王衍範鄉把總卜其禎等領兵四百餘人攻觀音山之南隨據官兵王衍範等率衆大戰擒獲賊衆王自成等五十二名陸續押解到縣逐名研審俱稱賊衆向在靈寶交界高平河觀音山上本山

週圍八十里路通靈寶盧氏陝西立有東西北  
三寨中有一老寨係賊首坐鎮人不敢入今聚  
衆四千餘人前來各處搶劫財物糧食盡歸上  
山遠召淮南礦寇數千脅擄村民男婦每入人  
家焚器燬屋使無歸路婦女千餘上山碾磨糧  
米以供兵食汙辱之慘不可勝言二十日突有  
司正自稱把總帶領五十人願爲助陣維時把  
總王成龍等稱非官委必係奸細當卽梭盤拏  
獲慣賊張自禎等續又拏送張一路等到縣審

據王自成招稱司正係舊革縣書傳單是伊起  
稿自成騰真及審張一路等一一招成無異二  
十一日賊乃狙詐還山二十二日官兵乘勝前  
進至觀音山前路一枝與賊互相殺傷有頭梁  
山一枝係把總張翼冲自募行糧慷慨誓衆乘  
勝上山賊衆據高死敵齊擁圍裏遂將翼冲楊  
孟秋楊自禎及鄉兵侯自福擒去翼冲等不屈  
爲賊斬殺焚其身屍又被殺傷未死官兵牛進  
功等三名後路一枝劉縣丞統領鄉兵殺入草

店擒獲二十餘人及賊首法師邢滿賊衆千餘  
圍定草店劫奪而去聞賊乘勝攻縣我兵退還  
急保縣城請命上司乞發兵速剿申道兩道隨  
出示諭令解散一面調府操兵四百名汝州操  
兵三百名嵩縣毛兵一百名令守備趙安宇等  
統領以余通判率諸兵先往盧氏防守行糧於  
府庫借支恐兵衆難馭乞發

今字旗牌如有違犯軍令者卽以軍法從事等因呈  
報到臣隨詳批盧氏一帶萬山叢峙素稱曠

盜之藪况值歲荒民貧嘯聚易起據稱賊聚至  
四千餘衆公然拒捕擒殺鄉兵燎原之勢已見  
仰兩道親至附近之處相機剿撫務要急行解  
散毋使滋蔓難圖聚散情形仍不時飛報其行  
糧如議完日議補

今旗至省另齎此繳臣於初九日入省差官王弘道  
捧執

今字旗牌一面副齎送兩道并發告示招安撫慰去  
後臣又檄行鄰近州縣倍爲防禦間五月十五

日據張叅政呈拏獲賊首李宗善等十六日據  
田按察使呈報相同十七日張叅政又報拏獲  
逆賊楊登月等姓名又據兩道呈據河南府申  
稱五月初八日本府遣鄉把總張之屏往拏大  
盜張自政兄弟不意之屏擅起鄉兵焚燒木關  
嶺搶掠頭畜財物乞賜正法呈詳到臣臣詳批  
張之屏等以鄉把總擅起鄉兵焚人房屋搶掠  
糧畜燒死人命種種慘惡閱詳令人髮指既於  
軍令有違卽應按法梟示但已經監候仰兩道

嚴審的確分別首從解報臣又票行該道將驚  
散人戶招撫安業搶奪糧畜速追給主張之屏  
等依律擬議解院正法二十三日張叅政又報  
續獲賊首老何三并奸細黃應龍俟審明併解  
等因呈報前來本月三十日又據兩道呈爲恭  
報逆賊蕩平事內稱備蒙差指揮李一麒經歷  
洪麻并快手齋兩院告示入山曉諭解散巡道  
駐盧氏守道駐永寧各調度馬知府率兵屯靈  
寶扼要以圖進剿賊聞大兵旣集又屢蒙憲諭



不勝駭懼自初一日至初四日其饑民爲賊迫脅與山陝雒南流劫回曠諸賊俱四散訖惟土賊老何三等及李宗善等各踞負險阻兩道以賊退居深峪險岩之中其懸崖峭壁我兵不能緣而上狹路處一夫當之千百人不能入或誘之使入斷其歸路坐受其困况此屬雄悍精於技擊履險巇若平地不能盡翦必留爲異日之患隨設法檄礦角把總王從書帶礦兵一千餘名自裹糧餉協力助剿又總統之以加銜叅將

蔣汝亮等軍聲益振因從書等兵素爲諸賊所畏兩道令從書兵一夜突發觀音山下旋令余通判差人持本道火牌至山撤還另期進兵蓋不欲有血戰之實特爲恐喝使賊奔潰以便擒拏耳盧氏滿目曠徒線索輒通賊咸謂眾礦兵且至聞而奔散兩道一面遣蔣汝亮等入山勸諭使諸賊捉獲賊首李宗善等以自贖一面檄靈寶盧氏乘其奔散廣爲捕捉隨據該府呈報先後設計捉獲賊首李宗善李裕何士見何士

成李守平楊登月老何三并奸細黃應龍等又據余通判報獲逆賊法師邢滿等真正窩主劉茂等賊首盡獲本道猶恐山阨中尚有伏藏乃率余通判親詣賊所凡黑索峪木關嶺將臺山觀音山等處咸徧歷之令諸役大索二旬並無一賊逆賊根株已拔百姓復見安堵無亡矢遺鏃之費而收不戰屈人之功此

### 社稷之靈

國家之福而上臺之德威所震懾也今將蕩平緣繇理合具呈等因到臣該臣會同巡按河南監察御史楊維垣看得盧氏僻處西南接壤靈寶其地萬山叢峙其民習尚狡悍夙稱礦盜之藪邇來災旱頻仍民生困苦是以山澤潛伏之奸輒敢乘機聚衆稱亂靈寶之燄方熄而盧氏之變復興如李宗善輩揚言借貸公行搶奪無知饑民遂爾依附靈寶之老何三小何三等又竄入其中結營構寨擒殺鄉兵幸道府多官親至其地諭之以文告震之以兵威從賊者旋即解

散又殫心籌畫計擒元兇卒使大憝悉縛巢穴  
一空臣等撫綏無術消弭無方惟念從賊饑民  
誰非赤子惟一意以解散為主以無失

皇上愛養元元之德意已耳其見獲賊犯與貪殘鄉  
把批行兩道勘明正法有功員役及被傷鄉把  
鄉兵臣等徑行給賞優恤被災饑民臣等設法  
賑濟外所據兩道報到前項盜情蕩平緣繇係  
關地方之事不敢不據實上

聞爲此謹具題

知

天啓六年六月初四日具題奉

聖旨該部知道

捐俸助工疏

奏爲敬捐微俸以佐

大工事臣奉

命巡撫河南自受事以來仰念

宸居鼎建工費鉅繁內外臣工同心協助臣荷

皇上高厚之恩一念急公之義豈敢後於諸臣惟是

履任月餘歷俸無幾且中州連年助餉助工悉

索敝賦庫藏殆盡除臣一面檄催司道府縣捐

俸揆括無論多寡惟力是視候報齊另疏恭

報外查臣巡撫一年額俸六十四兩七錢九分八釐謹照

京師例先自照數措備仍按前任歷年積俸共湊足二百兩令布政司差官解交工所雖勺水無補於滄溟亦區區趨事之誠所不能自己者耳  
伏乞

勅下該衙門照數查收施行臣無任悚息待命之至爲此謹具奏聞伏候

勅旨

天啓六年六月二十五日具奏奉

聖旨捐俸助建具見急公銀着監部科道照數查收該部知道

皇子薨逝恭慰疏

奏爲恭慰

聖懷事臣待罪河南忽接邸報六月初六日辰時  
皇子薨逝臣一見之不勝驚愕悲慟竊思

皇上勵精圖治頃遇災異頻仍方不勝祇懼又值

皇嗣之變

聖衷未免憂悼但修短有數造物主之豈人力所能  
爲我

皇上茂膺

景命麟趾之祥方長未艾伏願  
皇上舒情環慮以迓

天眷行且穆皇千億奕葉茂昌

宗社靈長之慶實式憑之臣身羈封疆不能隨諸臣  
叩首

闕廷謹具疏恭

慰以

聞臣無任悚仄懇禱之至爲此謹具奏

聞

天啓六年六月二十五日具奏奉

聖旨禮部知道

地震疏

題爲地震事天啓六年閏六月初八日據河南布政使司呈蒙臣憲牌據彰德府申據磁州安陽湯陰臨漳林縣武安涉縣一州六縣各申稱俱於本年六月初五日丑時地震有聲房屋皆動居民驚覺等情又據衛輝府申據汲縣新鄉獲嘉淇縣胙城五縣各申稱俱於本年六月初五日丑初二刻地震自西北方起震之有聲至東南卽刻止等情又據懷慶府申據河內濟源修



武陟孟縣溫縣六縣各申稱俱於本年六月初五日丑時地震從西北乾地至艮地卽時止并無損壞房屋等情到院查得彰德府所報緣繇未見起止何方不便具疏相應行查仰司卽查六月初五日地震共有幾處主何徵應逐查明白呈報兩院酌議會

題施行蒙此行據衛輝府懷慶府各回申覆查相同彰德府申據陰陽學申稱本年六月初五日丑時地震從西北乾方起至東南方本時止其

申到司看得地道屬陰以靜爲主動則失其常矣今中原爲海內腹心之區河北彰衛懷三府又屬本省衝要之地年來災旱頻仍閭閻小民蕭然喪其樂生之心又值春夏亢暘麥禾未登六月幸霑甘霖秋苗方佈不意三府地震徧於屬邑獨彰德一府飛蝗蔽空淫潦漲發廬舍浸毀秋禾滄沒尤屬異常之災變不虛生皆本司奉職無狀以致天變示儆敢不痛自修省伏乞本院亟圖消弭之方俯賜會

題等因具呈到臣簿查先據彰德衛輝懷慶三府  
申爲前事已經行司覆查及屢催去後今據前  
因該臣會同巡按河南監察御史楊維垣看得  
地積陰所成以靜爲體動則爲變占者曰主饑  
荒主兵亂臣未敢信以爲然第以時事觀之而  
覺其大有可憂者河北連歲災荒閭閻空匱小  
民亦無樂生之心今歲春夏亢旱異常二麥薄  
收秋禾未佈人情益覺惶惶臣入境之初目擊  
心傷率屬虔禱至六月初二日雨澤方降晚禾  
始播庶幾可望有秋不虞地震之變合三府而  
同日同時動搖之狀遐邇驚駭未幾彰德府屬  
飛蝗突至淫潦漲發甬雁薦食之災又遭滄沒  
之慘嗟哉小民豈能堪此凶沴之疊被乎不獨  
河北爲然開封之陳留以蝗災告矣歸德之未  
城夏邑亦以蝗蝻食毀田禾告矣他邑尚未報  
至而閔閔情狀不堪見聞夫民窮則思盜僮奸  
宄乘釁鼓煽饑民聞呼景從豈不深可寒心哉  
向之言饑荒言兵亂似有其兆矣雖地震徵應

不專在一方臣在中州則言中州變不虛生皆  
臣等奉職無狀之所致也除督率所屬痛加修  
省以共圖消弭外尤念臣等力微不能挽回氣  
化伏望

皇上克謹

天戒彌修德政庶不難轉災爲祥而中原重地未享  
寧謐之福矣臣無任悚息之至除地方災傷候  
報齊另疏具

聞外今將該司覆查過地震緣繇謹具題

知

天啓六年閏六月十二日具題奉

聖旨禮部知道

縣官給繇疏

題爲給繇事據河南布政使司呈報歸德府永城縣知縣郭宗振見年三十六歲陝西西安府華州人繇舉人天啓二年十一月十二日除授懷慶府孟縣知縣三年二月十四日到任五年六月十一日調繁今職本月十二日到任扣至天啓六年正月十四日止通前連閏實歷俸三十六箇月三年任滿河南府雒陽縣知縣張第元見年三十歲山西汾州府汾陽縣人繇進士天

啓三年二月二十五日除授今職本年四月二十九日到任扣至天啓六年三月二十九日止連閏實歷俸三十六箇月三年任滿南陽府鄧州知州韓焯見年三十八歲山西平陽府蒲州人繇舉人萬曆四十七年九月二十五日除授本省澤州儒學學正本年十二月初六日到任天啓二年九月十六日推陞今職天啓三年正月月初九日到任扣至天啓五年十二月初九日止連閏實歷俸三十六箇月三年任滿俱例

給等因具呈到臣俱經批司覆覈去後續據該司呈稱查得各官三年任內承委事件問理刑名俱各完結竝無黏帶不了亦無被叅住俸等項違礙情弊經管夏秋起運錢糧并補祿王糧及每年額派班匠稅契新餉抽扣等銀完及分數實政五事修舉無廢又據委官查盤各官積過穀石俱已足額取有不致扶同甘結在卷本司覆覈相同所據各官給繇相應准從并造冊揭開註考語起送到臣該臣會同巡按河南

監察御史楊維垣撫治鄖陽右僉都御史李若  
珪從公考覈得朮城縣知縣郭宗振高才黃鵠  
摩天利器青萍射斗歡騰萬口澤沛千村雒陽  
縣知縣張第元操守含冰茹檠丰神翦水裁雲  
績懋三年仁流百里鄧州知州韓焯雄才雷厲  
風行粹品珠圓玉潤民懷冬日吏畏秋霜俱各  
稱職除批行該司行令各官照例復職交俸管  
事外所有考覈過各官考語稱職緣繇相應題

請伏乞

勅下吏部照例考覈議覆施行

天啓六年閏六月十八日具題奉

聖旨吏部知道

聖旨吏部

天啓六年閏六月十八日具奏

陳不

吏承輸銀助工疏

奏爲工費浩繁錢糧莫繼謹任怨摘弊以仰裨

大工事准工部咨營繕清吏司案呈奉本部送工科  
抄出工部右侍郎仍監察工程事崔呈秀題前  
事等因奉

聖旨吏胥頂首在京限一月之內在外限文到三月  
以裏着本衙門官類解如期欽此欽遵抄出到部  
咨臣衙門該前任撫臣程 遵依轉行所屬嚴  
查去後及臣履任看得

皇極鼎建堂構聿新遐邇之所共慶臣民之所快覩者也迺匠石雲集經費不繼凡為臣庶孰無急公之心况書吏食餼公家卽頂首量輸十一亦其所樂供者復行各屬嚴催去後但遠近不齊類報恐遲謹將臣衙門書吏吳之彥等十六名查頂首四五兩不等臣論令每名輸銀二十兩承差原無頂首臣設法出示使納充實歷每名銀八十兩其不願納者發回該司合書吏承差共輸銀二千兩雖不能補助萬一亦聊盡子來之誼云耳除行文該司起解外謹具疏奏聞伏乞

勅下該衙門俟解到之日查收施行

天啓六年七月二十二日具奏奉

聖旨各役納銀共二千兩解到之日着部監科道照數查收該部知道



災傷疏

題爲異常災傷事據河南布政使司呈蒙臣批據  
開封府陳留縣申據本縣儒學生員郭一瀾等  
百姓李學先等各呈稟稱竊照本縣土瘠民貧  
豐稔猶苦輸將今三春大旱二麥薄收六月頗  
霑雨潤四郊盡是晚禾忽於六月二十四日有  
蝗來自東北勢若連雲騰湧遮天迅如疾風屯  
集蔽地秋禾蕪蕪未及秀實須臾所過如焚且  
子孫繩振肆爲虺蜴將來又作何狀人難聊生

萬不得已懇乞查勘破格申恤或議緩議蠲以  
濟眉燃等情到縣該本縣知縣韓一良看得今  
歲旱魃肆虐百姓幾轉溝壑晚得甘霖人稍生  
色忽又飛蝗雲集所過地赤本縣目睹其災不  
覺腸斷且飛蝗於前蝻遺於後目今已成異害  
將來猶恐害烈宜乎小民哭聲徧野無論正供  
無資卽卒歲何以日後景象不知稅駕矣具繇  
請命等因又批據夏邑縣申據本縣舉人宋結  
綠等生員劉光錡等鄉民袁宗伊等各呈告稱  
三春亢旱麥禾薄收專望秋田供賦公家空有  
蝗蟲驟至飛則遮天蔽日落則寸禾弗留田禾  
旣沒

國賦何出異常災傷民不堪命乞准轉申或蠲或  
賑以免逃移等情到縣查得蝗蟲從東方而來  
此其首爲被災之地食禾又往西飛嗟嗟此何  
時也民窮財盡賦役繁興全賴稍稔民猶可以  
延生官猶可以措手今若此不知作何狀亦有  
不忍言者事關災傷不容不報等因又批據永

城縣申據里老王自述鄉民陳宗孔等各告稱  
天道亢旱秋禾枯槁幸蒙時雨滋澤青苗忽被  
飛蝗從東而來落地不論禾苗蒿草蠶食一空  
地如火燎其蝗洒子入地不日蝻生闔縣百姓  
抱苦號天欲竄無門懇乞申請拯救災黎庶免  
逃走等情到縣看得永民去歲霪雨災傷猶有  
稍成之家是以未曾告拯也今年二麥薄收辦  
納糧餉僅可支持尚賴秋禾不意蝗蟲飛落盈  
野秋禾食毀若此災傷敢不以告等因又批據

滎澤縣申爲異常水災事竊照本縣地方北有  
黃河南有賈魯涸河逼近江濱常憂水患去冬  
無雪今春缺雨入夏以來旱魃爲虐二麥薄收  
民不堪命幸六月初旬時雨頻作晚禾少甦不  
意二十日暴雨連傾三晝夜不息以致黃沁賈  
魯白露涸河一齊發漲俱繇縣西泛濫衝決南  
河一帶成湖各項地土盡歸水鄉三秋失望稼  
穡業已浥爛賦稅似難支持等因又批據守巡  
河北道呈據彰德府呈據磁州安陽湯陰臨漳

林縣武安涉縣各申報水災轉報到道該本道  
看得鄴屬地多沙磧以君恒論畏旱每多於畏  
澇然勢若仰盂以驟水論所洩不勝其所聚何  
者三晉太行山之水大都繇彰衛二河而出其  
出也必以漸流而下頃以三晝夜之傾盆山水  
驟發受之者旣以汪洋瀰漫而大雨不休泄之  
者更難迅決奔流蓋出水之路其艱而橫溢之  
勢莫過所以如安陽之石橋衝斷如磁州之城  
垣浸圯如湯陰之平地而三泉突出如臨澤之  
高壤而四廂俱傾卽林縣武安涉縣強半皆山  
居谷處之民而亦遭淹溺衝決之患天下安有  
地當建甌之勢而令陽侯鼓浪於平疇垓鶴哀  
鳴於木末者乎白首田夫咸謂洪水之災爲復  
見其抱痛者深矣若飛蝗之蔽天此七屬之所  
同而冰雹之震擊又林縣之所獨也如此異災  
一時疊見小民尚不恐流移徙而扶老攜幼  
願緩須臾之死以思見德化者則以院司於亢  
旱之軫念者方深私計今日陷溺之矜憐者必

切也夫有土而後有民有民而後有賦今棟宇  
之傾頽沙石之掩沒小民已無家矣離鄉棄土  
下卽甘之而拋女擲兒上則何忍卽前奉倉穀  
之賑發亦杯水之救輿薪而必得速賜

上聞將被災州縣分別緩徵或令改折此則浩蕩之  
深恩而立起溝中之瘠者在此舉矣等因又批  
據衛輝府申據汲縣新鄉縣輝縣獲嘉縣淇縣  
昨城縣各申報災傷到府該苗知府看得衛郡  
所屬六邑夙稱疲瘠疊罹災傷小民困苦累極

矣今歲春夏亢暘二麥焦枯幸六月中旬始得  
雨澤較之往年佈種之時稍爲過期不意大雨  
連綿山水泛漲房舍傾倒秋禾滄沒其餘平坦  
高阜之地忽有飛蝗蔽日漫空從東而至食穀  
晚苗三災層見萬姓含悲豈惟賦稅難供抑且  
糴殮不給若不大加存恤竊恐催科日迫非轉  
於溝壑則散之四方饑寒切身不願康祉誠有  
大可慮者等因又批據睢陳兵巡道呈據商水  
縣申報災傷到道看得彼時按院正以巡方次

南取道商水竟以方舟難渡改繇西華該縣父  
老人等以災傷見告者相遮於道也本道暫駐  
一日候縣官之回相與偕里老而踏勘焉自南  
門登舟見郊關之側下者已成河流高者猶存  
隴畔過二里許而秫穗浮於水面水沫噴乎柳  
梢牆濕透而屋落垣蕩盡而村墟其爲泣爲訴  
聲音不絕者婦歎與兒啼也正飄泊間忽有數  
十人駕兩小舟相與含淚疾呼曰余段家堤百  
姓也房屋倒盡秫禾滄盡祈親詣往觀焉數人  
者導之而前約有七八里而遙杳不識村落之  
跡茫不見菁蔥之象果然水天一色矣本道不  
覺與縣官失聲而歎曰嗟乎此真商水也天何  
重困此一方民乎大抵天災流行何地蔑有其  
被災之輕重各有分數如商水之災以爲十分  
則十分也以爲萬分亦萬分也惜災傷至之分  
而止耳蓋田禾滄沒顆粒不收此災傷之在野  
者也而屋宇漂流并檐石之蓄俱付之逝波將  
異日于茅索緝之費將誰任之此災傷之難以分

數計者也如王家莊民程天祐并妻秦氏見大水至卽忙負其兩穉子送之道傍墩臺亟反而取其五斗之麥以冀餬口竟以水深俱滄死矣其兩穉子夜半呼親不見亦溺水而死共計滄死男婦二百四十八名口倒塌房屋二萬九百五十餘間滄死牲畜二千一百五十頭匹其滄沒民田除城東地差高阜可以薄收其餘西北南三面盡爲水鄉可以按籍而計也從來救災之法有議緩議賑議蠲三者方今邊餉告匱非不知錢糧難以輕免然該縣之災傷恐非議蠲難以甦救也等因又批據儀封縣柘城縣孟縣商丘縣脩武縣武陟縣溫縣河內縣濟源縣各申報災傷緣繇俱蒙批仰布政司查報蒙此又據本司經歷司呈抄蒙巡按河南監察楊御史批守巡河北睢陳兵巡道衛輝府及陳留等縣各呈申同前事蒙批布政司查報抄呈到司備行各府委官踏勘去後該本司看得中州壘罹災浸民困已極卽多方拯救難免流離豈期今

之天災抑又甚焉如陳留等州縣飛蝗爲殃靈  
兩所苦致虛三農之望堪憐一飽之難嗟嗟天  
何因此一方民也夫以腹心重地當重徵屢派  
之時而又值此流行之天災若非亟議請蠲請  
賑恐難遽甦乞惟題

請施行等因具呈到臣據此卷查萬曆十年正月初  
五日准戶部咨爲撫臣報災有違

### 明例遵

旨查叅并申未議以一法守事該本部題以後地方  
凡遇重大災傷州縣官卽親詣勘明申呈撫按  
巡撫不待勘報速行奏

聞巡按不必等候部覆卽將勘實分數作速具  
奏以憑復

請賑恤至於報災之期在腹裏地方仍照舊例夏災  
限五月內秋災限七月內俱要依期從實

奏報如州縣衛所官申報不實聽撫按叅究如巡  
撫報災過期或匿災不報巡按勘災不實或具  
奏遲延併聽該科指名叅究又或報時有災報後



無災及報時災重報後災輕報時災輕報後災重  
重巡按疏內明白從實具

奏不得執泥巡撫原題致災民不霑實惠等因題  
奉

欽依移咨前來已經通行遵依去後今據前因該臣  
看得災沴爲崇亦方輿中所常有然或旱或澇  
或蝗遇一端民已難堪未有一歲之內而層見  
疊出者今歲春夏恒暘無雨二麥多枯僅僅薄  
收此大河南北所同者六月中旬雨澤始降晚

禾方播百姓欣欣咸望有秋迺未幾而飛蝗突  
至矣又未幾而水澇相繼矣陳留等縣秋禾始  
茂飛蝗雲集一應苗稼遽爾食盡商水等縣靈  
雨連綿衆水泛漲衝決滄沒甚至水天相接屋  
舍盡無曷言田禾哀此窮黎一歲而三災疊被  
俱屬重大天之降虐夫何至於此極也矧今賦  
餉交徵之際值蝗澇并見之苦終朝餬口無資  
額課從何措辦目前已有背鄉離井之念將來  
能無斬木揭竿之虞如靈廬之亂倡自饑民誠

爲殷鑒臣興言及此寢食靡寧者也除臣奉職  
無狀痛自脩省及檄司道督令掌印官多方拯  
救安撫外然事關地方重大災祲民情危急不  
敢不先奏

聞相應題

請伏乞

勅下戶部轉行巡按御史將前項被災地方及續報  
州縣一體查勘定擬分數議蠲議賑覆

請施行庶災民有更生之望而重地可保無虞矣

天啓六年七月二十二日具題奉

聖旨戶部知道

糾劾不職有司疏

題爲糾劾不職有司以肅吏治以安民生事竊惟中州腹心要地邇來災浸頻仍徵派繁重彫殘困憊之狀處處皆然無聊小民迫於饑寒甚至藉口稱亂如靈寶盧氏兩月而兩見告者所冀悉心軫恤加意撫摩使閭閻安堵萑苻不驚惟二三良有司是賴臣拜

命以來諄諄告戒無非望其廉以律已仁以撫下與臣分憂共念以綏靖地方不啻詳且切矣不虞

有股民以逞恣容載道及闌茸無能恣肆有聲者安可使一日居於民上哉茲據司道之開報叅以耳目之見聞凡有三人焉謹據實爲

皇上陳之訪得開封府儀封縣知縣徐方敬立身無骨宅心不淨苞苴眩目暱惡生擇人而食羶臭熏心寵猾胥借叢爲崇一本官徵收京邊邊餉等項錢糧共銀一萬八千餘兩俱加一秤兌國縣人民怨恨收頭湯立光證一本官問理詞訟不論曲直是非以賄賂多寡分勝負如樊守禮

爲李守讓所告守禮送銀五十兩返將原籍李守讓坐伊冒籍責三十板罰穀三十石人人不平一本官未任有豪惡生員刁國任百里之外郊迎預送贄禮花幣羊酒等物約有百金本官一槩收受觀者詫異地方李續成等證一本縣橫惡結黨生員如刁國任張狎等暮夜行賄本官吞其香餌事事聽其挾制誣陷平民如徐守文馬進龍孟自脩劉存心楊希翠陳自強任孟東吳景秋卓超等或夾或拶或責非立斃杖下

卽罄盡家產內徐守文陸續送與刁國任銀三百餘兩仍責三十板一方之民如在湯火中見今各被害赴告府廳審詞未結一本官出示禁止代捕大使馬登雲不許私受詞狀後馬大使送禮銀三十兩竟許受詞以致馬大使擅拷良民如徐守文李諫郝宗嗣各責詐財不等百姓紛紛赴府陳告見今馬大使申革一本官畏奉刁國任查縣內有殷實者卽出紅票拘挈押令送銀如生員張崇正家富而悞指國任賣房為

繇原價止七十兩押出索銀三百餘兩餽送國任見今張崇正執本官親筆紅字赴理刑廳驗訖入招解審一本官信用戶書關象和事事聽其關說誣詐良民輒以送訪誑勒見今關象和府審招解一本官指刁國任有地欲賣與賀尚智奈尚智家貧力不能買輒令關象和從中聳說尚智情迫將六歲幼女賣與徐指揮得銀五兩餽送刁國任而關象和仍索說事銀五錢方纔脫禍一本官指脩文廟科派生員趙萬邦王

世昌等百家共銀三百餘兩止費一半餘俱入  
已內王世昌獨出銀一百兩因世昌與同庠周  
郁文有讎郁文造謗聳動本官反將王世昌申  
革降青學道心知其寃本生證一本縣王化淳  
寵娼打死嫡妻具告到縣本官受化淳銀二百  
兩竟付不理原差快手鄭一進證一本縣尚觀  
光等男上納民生索要三十兩名爲轉堂銀方  
准起送本人證一本縣典史王元通在任病故  
本官捐勒不請勘合元通男王三台送銀二十

兩白綾二疋方行徐守文證一本縣主簿李日  
章在任丁憂行文離任本官受日章禮銀五十  
兩兩次申文奪情留任後本府嚴批勒令離任  
仍留日章在任五箇月比追河工梢草錢糧後  
新官到方行王欲仁等證一本縣僉報農民每  
名出銀五兩名爲公堂銀無不駭異劉一忠等  
證一本官家眷在任回家槩縣士民人等餽送  
禮物餞席不貲離縣五十里召討營止歇留戀  
三日方行以致趨送者繹絡道塗人所共見此

一官者濡染多欲罔恤比匪之嫌防檢全疎大  
開旁落之釁無念不是谿壑有隙便思漁獵賊  
私狼藉怨讟叢興所當照不謹例冠帶閑在者  
也彰德府涉縣知縣劉祚胤性既鴟張志復鼠  
竊以科罰爲利四陷阱彌深任衙役作鬼朴網  
罟不漏一本官性暴每至酒醉怒發凡打人搜  
人就要見血見傷打壞百姓因而致死李春華  
等數人各屍主父兄等證一奉文開倉賑濟同  
十八里老人薛時義劉進時等每里止給賑穀

七石共散穀一百二十六石具報上司餘畫剋  
落老人楊我義趙可英馮可成證一本縣富民  
陳王道有妾苑氏先被姦夫夤夜入宅殺死本  
官信寵心腹快手門子成陽張惟傑關洹王良  
資向道詐索不遂誣說王道殺死擬成抵償王  
曰然證一本官逐日投文濫准詞狀凡原被告  
不問是非俱各罰穀每日差心腹快手江鳳鳴  
冀邦春徧巡四路有私和不赴告狀者卽帶至  
縣加倍罪責一審詞不論大小俱罰硝黃直堂

快手江時太武福臻姚竒才將犯人牛拱宸樊  
九叙李克勤等二百餘人硝黃每斤折銀上納  
共折銀百十餘兩原差宗進亮李三才韓國仕  
拘證一本官信寵門子王良資讎害蓮花寺富  
僧青鸞因鸞設席會客卽日稟縣差快手張在  
與拏縣拷打信口妄招本官喝斷申院毀寺本  
僧懼怕送與本官銀五十兩遂行饒免直堂吏  
蕭時過證一各行俱有時估本官奪剝民利凡  
買物價值銀一錢止給低錢三十文行戶苦累

管支皂隸白知文等證一本官縱放公子胡爲  
私出宅門本年三月十八日趕赴廟會混雜男  
女擾害良民跟從趙燮等證此一官者恣睢有  
聲饕餮無厭訟牘俱爲濟貪之用門役皆是董  
斷之人訾議已失衆心降調或責後效所當照  
浮躁例重加降調者也歸德府通判梁鏞才幹  
凡庸志趨卑汙濬河無術提線索全憑後胥院  
髓有方削鍼鐵半充囊橐一本官狀貌猥瑣言  
詞侏儷百姓俱不能曉只憑門子傳說一切河



工都不知稽查各商打點門子便應憑開造一本官闌茸威令廢弛不能約束河衙督率工役以致脩築不堅瀕河時聞崩塌之患一將蘇家林羅家口等處共五工扣除夫五六名不做工工食銀三百餘兩入已夫頭張才等證一將商丘虞城考城地方臨河集市渡口二十餘處行人三百餘名每名拷索銀五七錢不等共銀二百兩入已傳守業楊得春李慶等證一宅門不謹縱放沈管家時常出入與書手韓和字

詐良民張守愛等二十餘家銀錢不下百餘兩本人證一將夫役除扣一百名又將見在夫役時常重責以致夫役逃走及至黃河南灘又動虞城鄉夫一千餘名將夫工食盡扣入已鄉夫郭成王從政等證一受被告李定民銀百兩致令原告韓醞藩銀地兩空本人并陳所志證一署虞城縣印侵扣庫銀二百兩將庫吏周東位指稱庫帳不明枷打送監變產賠補本人證一差皂快王錫命高文科強取各行貨物不價致

店戶閉門段行葉敬宇等證一給放虞城并石  
榴固驛夫馬頭等工食銀二千餘兩內扣銀二  
百餘兩入已馬頭葛承璽夫頭丁朝官等證此  
一官者體貌不揚語言欠爽荷錘罔裨於公務  
攫金祇潤乎私家飲河之量已盈佐郡之效難  
望所當照不及例量調簡僻者也再照臣撫屬  
府州縣百一十有餘豈敢謂三臣而外盡是循  
良但於地方無廢事無殃民臣亦與之相安此  
後倘仍有貪縱敗檢者臣一有所聞隨即據實  
之哭也伏乞

皇上

入

告決不敢拘於時拘於數惜一家之哭而不惜一路  
勅下吏部再加查訪倘果臣言不謬即將徐方敬劄  
祚胤梁鏐照例處分所遺員缺另行銓補庶使  
不肖者知懲在位者益勸而吏治民生均有賴  
矣

天啓六年七月二十二日具題奉

聖旨吏部知道

縣官患病休致疏

題爲縣官抱病已深政務廢弛可慮懇乞

聖明准令休致以無誤地方事據河南布政使司呈  
蒙臣批據分巡河北道僉事和承燦呈據彰德  
府呈蒙本道牌蒙本院批據武安縣申知縣王  
廷輔關稱卑職於天啓三年閏十月十一日到  
任迄今二年零七箇月任內值防門道川回賊  
侵犯又值地方荒歉竭力以禦寇恤民晝夜不  
寧三年之內心血費盡以致痰疾陡發延醫調

治全無瘳期今精神日疲左手右足不能持行  
心神昏亂揣無生理况縣務不可一日乏人殘  
病不可一日在任合關本縣煩為轉達俯從休  
致乞委署印交代蚤還一日蚤得一日之生等  
因備關到縣具申照詳蒙批仰分巡河北道查  
報依蒙行府查明該本道看得武安縣知縣王  
廷輔任內經手錢糧承委事件竝無違礙矧本  
官病勢既真委難供職似應准令休致等因具  
呈蒙批仰布政司覆查報又據本司經歷司呈

抄蒙巡按河南監察楊御史批據武安縣申同  
前蘇蒙批布政司查報抄呈到司仰府卽查武  
安縣知縣王廷輔是否真病應否准令告致申  
間有無違礙作速查明申司以憑覆詳蒙此行  
據磁州申據武安縣申查得本縣患病知縣王  
廷輔委係痰疾語言若迷手足不能動移相應  
准令告致等因到州具申到府據此該本府看  
得武安縣知縣王廷輔患病委係真的勢難供  
職經管錢糧交盤明白造冊申報外中間竝無

違礙等因具申到司該本司看得武安縣知縣  
王廷輔病染沉疴委難任事及查經管倉庫錢  
糧業已交明無礙乞要休致似應准從等因具  
呈到臣該臣會同巡按河南監察御史楊維垣  
看得武安縣知縣王廷輔謹懷居官真實任事  
止緣二豎爲祟遂爾堅意求歸據稱病痼難痊  
情詞迫切似應准從休致既經該司查明具呈  
前來相應題

請伏乞

勅下吏部再加查議上

請准令本官致仕回籍調理遺下員缺另行銓補庶  
縣事不致廢弛而地方亦有賴矣

天啓六年八月二十一日具題奉

聖旨吏部知道

解進年例贓罰疏

題爲仰遵

明旨請乞

特懲貪競之風以肅官常以飭吏治事據河南布政使司呈蒙臣憲牌前事照得本院贓罰每年額解銀四千兩二次起解除以前俱解訖所有天啓六年上半年應解銀兩查前院共留候解贖銀八百三十三兩三錢三分二釐五毫本院自五月至六月終止該贖銀六百六十六兩六錢

六分六釐七毫共銀一千四百九十九兩九錢九分九釐二毫前已行文各屬解赴該司收解合行委官起解牌仰本司即將所屬解到贖銀委官解赴戶部交納以爲天啓六年上半年額解之數仍將解銀日期委官職名報院以憑具題施行蒙此行據本司巨盈庫開報收完各府州縣解到前院及本院贖銀共一千四百九十九兩九錢九分九釐二毫例應起解查得通許縣典史袁可文管解地畝銀兩堪可順解遵將前

銀兌交本官於九月初六日起程理合呈報等因具呈到臣據此卷查先准戶部咨題奉

欽依移咨前來遵行間萬曆三十三年十二月十五日欽奉

日欽奉

詔書自萬曆三十四年爲始撫按等官贓罰都着查照舊數解部一切新增盡行停止如有撫按在任被論謝事候代及事故者原無問理致令新任處解未免煩擾悉准停免欽此欽遵外今據前因查得臣衙門每年額該解

進賦罰銀四千兩分爲上下兩半年二次起解除  
以前年分解報訖今照天啓六年上半年額該  
解銀二千兩前撫臣程 元 相繼候代計  
四閱月共遺下銀八百三十三兩三錢三分二  
釐五毫臣於五月初二日受事至六月終止遵  
照定數該額解銀六百六十六兩六錢六分六  
釐七毫共銀一千四百九十九兩九錢九分九  
釐二毫例應解

進今據該司呈報前銀業已差委通許縣典史袁  
可文於本年九月初六日給文起程前赴戶部  
交納外今將前解銀數及委官職名起程日期  
謹具題

知

天啓六年九月十三日具題奉

聖旨戶部知道



回報並無派徵倭餉疏

奏爲觸事懷忠謹抒赤心說實話仰對

聖明以備採擇事據河南布政使司呈蒙撫按兩院  
案驗准戶部咨前事依蒙行據開封等府并汝  
州各申稱行據所屬州縣回稱遵依出示曉諭  
小民周知外查先年並無奉文加派征倭銀兩  
無憑查報各申報到司覆查得開封等八府及  
汝州原無加派征倭銀兩無憑造冊至於權稅  
一款據各回云本省不係關津扼要水陸衝衢

並無權稅銀兩其零星小稅已經奉行一槩罷免擬合回報等因具呈到臣據此案照先准戶部咨該本部題覆工部右侍郎仍監察工程事崔呈秀題前事本部覆議題奉

聖旨是內府錢糧曾經監臣魏忠賢題允罷減者已宣付史館昭朝廷體恤商民至意其征倭加派停徵已久有司曾否遵依着該撫按官嚴行禁止限文到三月內回奏零星小稅已經蠲免餘如議行欽此欽遵備咨前來已經案行該司轉行所屬

遵依禁止去後今據前因該臣會同巡按河南監察御史楊維垣竊惟邇來疆圉多事徵派繁加間閭民力竭矣幸蒙

聖慈採納廷臣之請廣溥

皇仁慨罷權稅並查征倭加派停徵已久者令臣等嚴行禁止此

堯舜安民猶病周文視民如傷之心也臣等仰遵

德意檄令所司揭示通衢徧於窮谷使咸知

皇上浩蕩之恩一時兩河商民無不手額歡呼其歌

舞

聖恩祝頌

聖壽者寧有窮哉郡邑所報俱未派徵倭餉臣等弔  
取賦役條鞭書冊及循環冊籍逐細查覈實無  
此項向來未敢擅派明矣所據該司呈報又經  
覆查無異相應據實回奏謹具奏

聞

天啓六年九月十三日具奏奉

聖旨戶部知道

鄉官輸粟援列表揚疏

題爲鄉官輸粟救荒乞

賜旌表以勵風勸事據河南布政使司呈蒙臣批據  
本司呈奉本院批據分守河南道右布政使田  
生芝呈據河南府申據盧氏縣申據本縣儒學  
生員王嗣祚等呈稱竊惟輸粟千石例該題  
請建坊一以旌義一以勸俗載在

皇明大政歷歷可攷近本省清軍驛傳道陳副使出  
山時捐粟一千業已奉

旨下部今本縣鄉宦刑部主事李作乂輸粟一千石  
創立贍士廣濟二倉倣朱子社倉古法散歛以  
爲未計已經批准施行訖本縣頻年旱潦山谷  
人民嗷嗷待哺穀價每石一兩則此一千石粟  
時值價銀一千兩卽有千兩之銀亦無處糴千  
石之穀本宦不難捐以救荒而家之所餘僅足  
糊口無長物也且倣社倉古法爲末賴無窮之  
基萬家共竈萬口爲碑質諸建坊之例首薦允  
宜蓋本宦雖無好名之心

朝廷則有褒嘉之典爲此據實上呈伏乞轉申奏  
請等情據此卷查天啓五年十一月二十三日署縣  
事本府通判余敬恒准本宦呈爲創建社倉捐  
粟未利事竊照又自倣秀才時便志在濟人利  
物柰糊口之產何能及人通籍以來携家之官  
所有佃戶租粟除辦納稅糧及看家蒼頭養殮  
而外遂有贏餘計所存積卽爲長物庶幾可少  
酬平生之志况今夏秋薄收米價騰貴人心沟  
沟恐罹不測忍坐視而不爲之所乎願如聚之

於我不如散之於人而一發無餘又不如未存  
無壞用是捐粟一千石內二百石送儒學立贍  
士社倉該學擇斗級掌管八百石貯澗西別廩  
立廣濟社倉於本鎮擇公直者掌管約於青黃  
不接之時士民之不給者或十餘人或七八人  
各類開一單借領單首一二人保其散斂俟米  
子社倉去法秋收加三還倉歲以爲常蓋散之  
時價貴不啻倍斂之時價賤不啻半以賤償貴  
卽加三猶非本值而人何不樂於借樂於還也

又况還非與人仍屬己物急卽往取僅同探囊  
人又何不樂於還而肯負其借也繇斯以往年  
愈遠而粟愈多而濟愈廣可久可大可使吾邑  
無饑人亦可使吾人無歉歲撮土成山百川學  
海是在同志之人設誠而致行無弗如意者矧  
萬家共社萬竈一心情相聯而難相急惡相戒  
而善相勉全生成俗追芳仁里不亦休乎惟立  
社之初山莊自運去此稍遠來秋止還正數嗣  
後方照常加息耳伏乞批准等情呈縣牒儒學

及帖下澗西鎮新立廣濟社倉公直管理立案  
在卷今據通學生員公舉前因該本縣杜知縣  
叅看得本縣鄉紳見任刑部主事李作乂斗山  
品格冰玉操修應手盡是經綸咳唾皆成雨露  
兩任花封悉播甘棠之頌載登棘院爰敷明允  
之仁此固邦家柱礎實惟鄉曲津梁屆茲大浸  
獨需洪恩粟捐千石以療饑立起溝中之瘠義  
創二倉以未濟盡甦闔邑之民彼魯肅一困指  
與僅餉三軍如純仁傾舟賑貧惟全一士孰若  
本官萬井含膏百里飲惠所當褒崇以風末俗  
者也在本官雖無市義之心然

國家舊有旌賢之典例應申請等因具申到府據  
此看得盧氏設居山僻地瘠民窮又兼頻年以  
來疊罹水旱災傷民間十室九空饑饉薦臻鄭  
俠之圖難繪師旅重困賈生之涕堪垂然民雖  
迫於無可生而官又窮於無可賑今有本縣鄉  
宦李作乂目擊時艱心切民隱輸粟千石以濟  
萬姓之急創建社倉未垂百世之休此大義之

首倡而仁人之利濟也今該縣申請建坊表揚  
前來相應轉申等情到道據此看得盧氏僻邑  
四山環繞舟車不通民無商賈止倚耕耘爲命  
比年天災頻仍閭閻懸磬兼以地方多故十室  
九空在野有嗷嗷之望在廩無陳陳之因是以  
居上者仰屋彷徨束手無計語云救荒無奇策  
誠以虛不能爲盈約不能爲泰何奇之與有幸  
賴該縣鄉紳李作乂目擊凶荒心切隱憂謂夫  
饑寒多則生盜流移衆則負糧此必至之理相  
因之勢遂不難捐粟千石以活萬姓之命創建  
社倉以遺百世之休此誠一鄉之大善而首當  
褒崇者也既經該府具申相應轉呈合候題

請建坊以勵世風等因具呈照詳蒙批仰布政司覆  
查例報蒙此又據本司經歷司呈抄蒙巡按河  
南監察楊御史批據本道呈同前項緣繇蒙批  
布政司查例報抄呈到司該本司看得時值大  
祲非尚德重義之家卽篳豆皆爲動色今盧氏  
鄉紳李作乂秉性仁慈慷慨輸粟千石以濟士

庶恩惠廣大又創建贍廣二倉以垂永久其澤沛無窮矣例當題

請官爲建坊以風其大義者也相應轉達合候具題建坊

旌獎施行等因具呈照詳蒙批本官輸粟濟衆固宜建坊

旌表但事干題

請未見援何爲例仰司再查確報蒙此擬合行查咨道行府又蒙本道劄付准本司次據本司經歷

司呈抄蒙迤按河南監察楊御史批據本司呈覆查過鄉紳李作又輸粟建坊緣繇蒙批候會題行繳抄呈到司咨道劄府依蒙行令盧氏縣查例去後今據該縣申稱奉此查得我

朝輸粟蒙

恩如宣德時羅振陳謙等正統時周怡蕭煥等各輸粟千百或命行人齋

重書勞以羊酒或止建坊表其居宅免差役有差舊典具在難以遍引卽如天啓六年內原任工部尚



書丁賓輸粟一千石奉

聖旨丁賓賑饑存德着加銜建坊又今本省見任驛  
傳道陳副使輸粟一千石下部議覆又中書舍  
人華素輸粟一千石奉

聖旨給銀五十兩建坊爲照本宦與尚書丁賓中書  
華素事例相同合宜請

旨建坊旌表申報到府申道咨司看得鄉紳李作义  
輸粟千石理宜建坊因未援例不便題

請蒙批行查去後今查近例與尚書丁賓中書舍人

華素各輸粟千石俱奉

旨建坊事同一體既經該道及府縣援例前來相應  
准從合候具

題旌表等因具呈到臣案照先據該司呈詳已經  
批查往例去後今據前因該臣會同巡按河南  
監察御史楊維垣覆查相同除批行候

題外爲照自耕三餘一廩人詔穀之法廢而委積  
施惠者寥寥如晨星矣上無儲積下無蓋藏一  
當歲祲民半溝中瘠耳間上存汲黯之心每苦

掣肘卽散帑賑饑非得循吏奉行窮民散處郊  
坳沾恩難遍兼報名假間右之手出入遭猾吏  
之漁曠日持久陰陽乾沒得失相半誰若闔急  
同室與爾鄉黨不煩報請其利最普更做古掌  
委待施之方用更不匱若盧氏鄉紳李作乂真  
風塵之表表者也使人人咸存此心則痛癢情  
關交脩共濟將見儲積日廣災祲無虞有裨於  
荒政豈淺鮮哉允宜

旌表以示風勸旣經該司查例相符議呈前來相應

具

題伏乞

勅下戶部再加查議上

請將主事李作乂暨坊

旌表庶人心知所嚮慕而樂善好施者愈多矣

天啓六年十月十七日具題奉

聖旨戶部知道

議留道臣加銜久任疏

題爲議留緊要道臣加銜久任以竣科試以安重  
地事據河南布政使司呈蒙臣批據開封等府  
太康洧川等縣儒學廩增附生員王明佐王俊  
杰等呈爲保留文衡乞

請加銜以弘雅化以慰輿情事呈稱竊惟中州士稟  
原多庸愚文章不協桀度且邇來詭異之習漸  
長奔趨之門稍開風土相沿江河日下賴曹提  
學刻挽頽風曲章敝俗美意良法卽累萬千言

難盡其詳剔弊摘奸姑舉一二端以見其槩如  
頂代之弊妙於鬼神嚴行覺察弊實燎如觀火  
傳遞之法幻於魑魅力加防範文場毫不通風  
訛套之相尚可厭則揭字句以明示歐陽之文  
體歸正請託之通行難禁則置私書而不省魯  
褒之錢神莫施立法方而行法圓風霜成雨露  
之惠課文嚴而衡文恕德行居詞藝之先秦鏡  
在懸照破文章肝膽商繩從正悉就梓匠準繩  
木鐸四宣兩河之聾聵盡落玉尺一協八郡之  
參差咸齊志在曲成功垂啓佑洵斯文之盟主  
真多士之宗師茲歲閱已完乃科考伊始慮有  
近日之間喬遷斯時雨之望未絕叩懇本院俯  
從士願加惠青衿陳情

丹陛俾加銜而較閱職掌仍舊予多士以楷模惠澤  
重新等情具呈蒙批仰布政司會同按察司查  
議報蒙此移文按察司會議去後今准該司牒  
稱本司看得外吏司道勞莫重於提學一差必  
學行兼懋才品雙清方與此選則其初除也已

自不輕及地方歷久歲月勞深聲實已著瓜期  
又及定優擢超轉亦非他道之所能併也若官  
比他官爲重事比他官爲勞遷移反比他官爲  
後卽賢者存心淡漠處已謙撝不計一官之蚤  
暮而士子喁喁共爲誄北山之詩鄉大夫切切  
盡爲興底薪之嘆秉衡者似宜一爲體悉也如  
提學道僉事曹履吉堯言禹步周鼎商彝仙凡  
異骨狎飛藉五色之丹驂駮成群聆節長千金  
之價泰山喬嶽無運動之跡人蒙潤而不知

雨和風以長養爲能物有生而咸遂河雒理儒  
之緒獨得其宗中原正始之音頓還其舊計僉  
事歷俸過一年五月矣使作他官已當序轉只  
以學政註定不便他移俟完科場又需期半積  
俸三年株守五品是比他官倍勞者反比他官  
稍滯也雖其職實使然然不少加調劑何以爲  
賢者勸乎查得舊例河南學臣先李化龍曾以  
副使加銜叅政近陳騰鳳亦以僉事加銜叅議  
俱經兩院題

請久任地方今曹履吉清望與二臣相符深資比二  
臣更久似亦當比例加銜以慰士大夫之心者  
也等因備牒到司該本司看得督學一官職司  
風教手握文衡其責蓋甚重矣必其品望並隆  
文名素著者始能勝其任而愉快也若提學僉  
事曹履吉者品如瑞鳳祥麟才同撥風掣電學  
宗洙泗道演河汾約士在規矩準繩之中取才  
出牝牡驪黃之外中原因文獻之區也士子一  
經品題蒸蒸顧化今歲試已竣而八郡一州入

依北斗士仰龍門兩河人文爲之一振矣惟是  
學差以三年爲期較之他官有數月而遷者有  
終歲而遷者其遲速相去懸矣計本官歷俸一  
年五月有奇其拮据勞瘁視他官何啻倍蓰什  
伯而五品之階必待三年而後轉雖本官清恬  
本適而揆之人情政體似覺有不平者查得先  
年學臣如李副使陳僉事俱有加銜久任之例  
今曹僉事才望並駕兩臣勞績均屬一體似當  
如議加銜以孚衆望以酬賢能者也等因據此

又據該司呈蒙本院批據彰德府磁州及安陽  
臨漳等縣儒學生員安濬等軍民秦和等各呈  
稟爲預准藉恂以撫衝疲以固重鎮未綏民心  
事詞稱滏陽一鎮路當十省之衝憲攝兩河總  
關萬姓之命自非文武濟急之全才誰堪鎖鑰  
煩劇之重任如分巡河北道祁僉事者敬以宅  
心簡以御事酌人情爲因革裁時勢爲廢興一  
言重丘山事不假借片語分曲直吏無舞文申  
六伐於貔貅折衝上國溥一天之雨露桃李公

門士卒慶宿飽之有因將帥喜振作之有法干  
戈載道無不啣枚歛衽城頭狐鼠罔不遯跡潛  
蹤灑恩膏於大旱拯淪陷於湮沒捐俸賑荒真  
已饑而已溺飭文禦變實爲范而爲韓三輔之  
咽喉肅清百雉之狼烟寂靜鄴民喜萬年安枕  
矣但偉績震動乎滏漳遷轉自速於銓部恐目  
前有

詔令宇下無依懇祈俯從人願大賜幹旋准令加銜  
仍撫河北庶輕車熟路憲臣之屏翰無疆而福

國庇民本院之仁恩未戴矣等情蒙批仰布政司會同按察司議報依蒙備行按察司會查去後隨准該司牒稱看得

國家多事民窮財盡而中州腹心之地全賴司道撫綏而安全之况滄陽十省咽喉兼之今歲水旱爲災蝗蝻肆虐饑饉洊至民不聊生太行盜賊出沒行伍徵調頻仍肩斯任者未易勝其任而愉快也今河北道祁僉事品輝金玉名馥蕙蘭仁心與仁政交流宏猷與宏才並茂撫摩桂

霖雨桑麻隨地皆春振疊有雷霆符萑望風遠遞行所無事政善宜民訓鄉閭以六條雞犬不擾飭軍旅惟十議貔貅肅然興學而化日春風救荒而含哺鼓腹鑿水門以濡萬姓不啻渡蟻修營房而旃三軍藹如挾纊誠畿南之保障而天中之長城也本官俸已二載勞苦功高卽循級而陞亦屬瓜期當此人心繫屬之殷正卜本官屏翰之績若不俯順輿情加銜久任非所以酬優異而慮地方蓋爲地擇人非爲人擇地所



有加銜一節允爲人情政體之平亟宜申請者  
也備牒到司該本司看得時事多艱公私交困  
兩河當兵餉壘徵之後繼以旱蝗靈雨爲災殘  
黎久難撐持在鄴北尤屬最烈滏陽直省襟喉  
之地子午極衝之區五方雜處奸宄易生所賴  
拊循綏懷俾災疲之民獲衽席之安而不爲溝  
中之瘠者惟監司是望今河北巡道僉事祁承  
燦品粹璠璣望隆霄漢雄才偉抱漳汲渥被恩  
施樹駿流鴻河朔共沾化育綠林風靖葦屋恩

濃嚴行伍而色壯旌旗振文教爾春融桃李至  
如訓鄉閭修營壘皆未雨綢繆之良謀救災荒  
鑿水門悉軫恤民隱之實政允矣北門鎖鑰卓  
然中土藩屏茲瓜期已及勞苦功高士民恐其  
旦夕陞轉跋涉懇留益徵本官之惠澤沁入人  
心深且渥矣似應俯從加銜久任以體輿情以  
酬賢勞者也等因具呈到臣簿查先據生員軍  
民呈稟前來已經批行會議去後今據前因該  
臣會同巡按河南監察御史楊維垣議照雜豫

多材人文郁郁而陶鑄作養所倚者惟督學憲  
臣是望僉事曹履吉持正冶士秉公衡文力挽  
奔競之頽風峻杜請託之陋習文體必純而雅  
拔擢盡得真才試法不刻而嚴關防悉祛積弊  
筆叅造化不特玉臺金匱之書學究天人直關  
三風五星之候八郡歲試甫竣兩河士心已傾  
又如河朔重鎮士武赴赴而彈壓訓練所恃者  
惟備兵監司是賴僉事祁承燝馭下嚴明處事  
精練察奸矚若觀火執法重於移山宣其惠和

陽春徧及幽谷振茲威略皎日耀乎龍亭福星  
生滿路之輝山川借色紫氣接中天之照草木  
皆兵自是千里金湯賴此一編黃石但二臣資  
俸已及序轉有待青衿瞻戀咸願愛日之常留  
黎庶顛依奚啻宮襁褓之失乳遮留之訴填門攀  
臥之情盈楮始知二臣所以孚士民及士民所  
以德二臣者非倖致亦非過譽也矧一則賓興  
大典轉眸而至不容須臾緩一則軍旅鉅務釋  
肩尤難不可一日弛據議加銜久任委屬妥便

既經兩司會議具呈前來相應題

請伏乞

勅下吏部再加查議如果臣等所言不謬將僉事曹履吉祁承爍各加應得職銜照舊管理該道事務庶久道化成保障永固矣

天啓六年十月二十九日具題奉

聖旨吏部知道